

怒自制是一藥解散思慮是一藥尊奉老者
 是一藥閨門恭肅是一藥內修孝悌是一藥
 蔽惡揚善是一藥清廉守分是一藥好飲食
 人是一藥助人報忠是一藥救日月蝕是一
 藥速嫌避疑是一藥恬懷寬舒是一藥尊奉
 聖文是一藥思神念道是一藥宣揚聖化是
 一藥立功不倦是一藥尊天敬地是一藥拜
 謁三光是一藥恬憚清淨是一藥仁慎謙讓
 是一藥好生惡殺是一藥不多聚財是一藥
 不犯禁忌是一藥廉潔貞信是一藥不燒山
 伐木是一藥空車助載是一藥直諫忠信是
 一藥喜人有德是一藥救與窮乏是一藥代
 老負擔是一藥除情去愛是一藥慈心憐隱
 是一藥好稱人善是一藥因富布施是一藥
 因貴為惠是一藥右百藥勸人遵之是以聖
 人雖處幽閑不敢為非雖居榮祿不敢為利
 度形而衣量腹而食矣觀身三百大戒云元
 始天王授之太上道君道君傳太微天帝帝
 君受戒時頌三首云
 智慧起本無朗朗起十方結空峙玄宵諸天

把流芳其妙難思議虛感其實通有有竟不
 有無無無不容
 智慧恒觀身學道之所先眇眇任玄肆自然
 錄我神天事常擁護魔王為保言見見金光
 軀超超太上仙

智慧生戒根真道戒為主三寶由是興高聖
 所崇受況此不死舟條效濟大有當此說戒
 時天真益稽首

要修科儀戒律鈔卷之五

要修科儀戒律鈔卷之六

三洞道士朱法滿編 唐六

下說三百大戒約三元下元一百八十中元
 三十六上元八十四不得殺生蠕動之蟲不
 得飲酒不得姪犯百姓婦女不得盜竊人物
 不得嫉賢妬能不得背師恩愛不得不忠其
 上不得罔其下不得欺枉同學未解之人不
 得輕慢弟子不得口善心懷陰惡不得說人
 過惡不得重責七寶不散施四輩不得樂人
 錢財視物為己重擔不得畜刀杖兵器不得
 養六畜不得金銀器食飲不得死厚葬體骨
 不得貪樂榮祿不得燒敗世上土中之物不
 得以世間堪食之物投水火中不得貪世滋
 味不得食五辛不得為草書不得以蠱物易
 人好物不得知預軍國事物不得設權變謀
 不得無故見王侯不得干知天時指論星宿
 不得以火燒田野山林不得無故摘棄草之
 花不得親近惡人不得無故伐樹林不得人
 中多語言參洩俗不得人中獨食不得與世
 間婚姻事不得習世間伎樂不得泄人陰忌

私鄙不得妄求親人書疏不得與女人獨語
 獨行不得與女人同行必有宗不得與女
 人同坐男女同居不得與女人同食交借衣
 物不得親教女人不得說人祖父過惡不得
 面譽世人不得以毒藥投漏池江海中不得
 親宗族不得踈異姓不得落子傷胎不得因
 恨報怨不得偏愛弟子不得聚集人眾不得
 投書詣世人不得自貴不得自驕不得自是
 用性不得為世間妄多忌諱不得希望人物
 不得竭陂池不得評論師友才思長短不得
 輕慢經書詈毀法言不得薄賤老病不得棄
 薄乞人不得恃威勢以陵世間不得阿黨所
 親不得父母別門異居不得瞋恚弟子不得
 恚責世人不得罵人為奴婢畜生不得扣奴
 婢面傷其四體不得快人過失不得飲酷煩
 傷世間不得為人圖山丘宅不得占世間
 吉凶不得去就背向不得與世人群處不得
 無故見貴人不得奪人所欲不得馳騁流俗
 求譽世間不得慶弔世間求悅眾人不得仍
 他人之功名為己德不得卧寢金寶雕牀不

得名人飲食好惡不得驚惶百姓妄說瘴疫
 不得驚惶鳥獸楚以窮地不得驚怖老小不
 得輕陵官長有司不得預人間論議曲直施
 惠不得追吞不得遊遨無度不得妄登高樓
 不得籠飛鳥走獸不得塞井及溝池不得快
 人家喪禍不得以棘橫人行道不得祠祀神
 祇不得向神鬼拜不得裸形三光妄呵風雨
 不得換舉人物不還債主不得斷割人財不
 得觀人為惡事不得禁人為善事不得諸天
 齋日不齋戒念道不得違六齋月中齋不得
 違經教科戒禁律不得為人作詞訟不得信
 人以志世間不得唱論人惡不得笑人頑闇
 貧賤不得以意增減經戒一字天司奪算不
 得妄生語言不得勸人謀叛君長師父不得
 傲慢三寶輕忽天尊不得勸人不孝父母兄
 弟不得矯稱自異號為真人不得信用外道
 雜術邪鬼不真不得衣服盈篋不得誇人學
 道不得無經託學欺詐人神凡諸道學不得
 自為及不得教人為
 右觀身大戒從第五戒至一百八十戒君子

之道名王清智慧下元品戒戒前並探道學
 以略於此下出中元三十六戒道學不得望
 人禮意不得竊寫人經戒不得禁飾水褐不
 得身不潔淨上高牀讀經或與人同行當護
 人以前與人同學夏執爨供養與人同學冬
 執硯供水與人同食其麤及菜與人同食當
 正已前與人同學當敬先勝已與人同住當
 任處分與人同學當念教未解人施惡於己
 已受惡不得有怨不得懷怨志報於人與女
 人共語不得正視面容笑相對與女人同渡
 水不得正眼視之失物不疑以同學及眾人
 失物當委還自悔多罪多災疾當恭己自責
 念改往修來當忍人所不能忍當割人所不
 能割當衣人所不能衣當食人所不能食當
 學人所不能學當客人所不能容當受人所
 不能受當斷人所不能斷無使精神浮散真
 想不通身不潔淨魂魄離人有心則天真斷
 絕魔官不能降有家則三妻不滅三真不居
 有身則眾邪不去精思無應當心靜寂漠與
 真樹當安玄泉不使妄動先滅識藏見然後

真人見觀身戒從第五至二百一十六無上
正真之道名王清智慧中元戒品下出上元
戒品下出上元戒八十四道學當念美食為
常當念先度人後度身當念居山林幽靜精
思當念燒衆名香流芳諸天徹魔境界當念
在賢衆聽受妙音當念請受三寶洞經勤身
供養當念立功度人終劫不倦殆當念執師
友本德終劫不殆當念國中清靜王化太平
無有不道當念隣國有道各守境界當念祝
願百姓令常安完當念萬物為先不得道已
當念遠鬼神不敬不慢當念遠外術禁忌之
道當念遠聲色歌舞之術當念無疑惑聖文
損益科法當念無求無欲當念崇本守真當
念口不違心心不負形當念清白守真當念
一無異想想念惟空寂當念寂寂安寧感無
苦痛當念世間憂危之人罪繫苦惱當念天
子聖明弘道皇家日盛當念君臣相輔常有
保道當念天地日月風雨霜雪以時當念父
母養我因緣當念七世父母上昇天堂當念
我師早得登度當念我同學人來測道源淵

與典章當念同志轉相教導令人正道當念
不違其口所謂之文當念視人父母如己父
母當念視人子過己子當念視人辱過己身
當念視人傷身痛過己身當念視人辱惡過
其身當念我宿命因緣根斷當念我生樹已
枯神合大無無數之劫體合道真當念胎根
已絕不能生世因緣種種當念三徒路塞地
獄長休當念中食養神藥諸肥滋當念慎大
法當存三宮真元子丹當念親世和光不驕
於俗當念三寶經戒常誦不輟當念存雌一
誦大洞經眇若神對當念登仙度世乘雲駕
龍當念欲見同師之人當念見真人道士修
行法事當念見聖主治世海外稽首乘風向
化當念食天廚自然之膳無飢渴之想當念
與天真共對淡然無為當念使仙童玉女當
念東遊青林東華當念西遊安養西華當念
北遊碧羅北華當念南遊太丹南華當念遊
遊留憩王京崑崙中華當念遊上齋講詳
聖道敷釋滿願當念遊王清七寶宮禮三元
天尊當念遊王清丹霞宮禮太上二十四高

聖當念遊紫宮禮洞真三十九高聖當念遊
太上王京七寶流霞高齋蓋王林禮太上天
尊十方大聖終劫復始當念遊三十六天黃
金宮禮天帝當念遊九天黃金暉宮禮天帝
當念遊六天七寶宮觀化大魔王見度我籍
以入仙品永離泉曲之簿當念遊諸天宮宅
與天帝問道論經當念遊日月宮殿光明煥
赫禮見日月王飲以日月華金灼之漿當念
遊大梵天流景宮禮下仙及天帝衆聖聽諸
霄絕雅妙音當念遊諸天七寶林反生靈香
灑芳逆風聞二千里外師子飛龍鳴嘯其間
當念遊諸天沐浴安坐蓮華之上香潔自然
流汨諸天池皆如一處人快樂當念遊諸天
聽諸天伎樂無世間之想當念遊十方外天
祀大聖衆無上正真人當念遊天地名山隱
宮洞室禮聖衆先得道人當念隱秘天具名
諱不犯我口當念以為道經無見異念恒今
心虛意大恩志玄虛安雅空寂觀身戒從第
五至三百首太上無極之道名高上王清智
慧上元戒品之微天帝曰若奉戒弟子獨宿

山林可畏之地鳴天鼓二十七通心存戒神衛
三重杖鬼不敢近福德恒隨身諸天善神各
各應護也先是寬家侍主皆生慈心矣

要修科儀戒律鈔卷之六

要修科儀戒律鈔卷之七

唐七

三刑道士朱法琳編

罪報科

夫淨心直道王法所不能加動念全真地獄
去來無畏若以六根取著五道輪迴輕重出

自身行報對皆由己分毫分不失冥府書愆

三元品戒經曰天官三十六曹地水各四十

二曹三官九署百二十曹曹置一考官百二

十考吏一千二百考兵萬二千考士隨人生

時作罪以考促之

三元罪戒品目

天官一宮中府十二曹

地官一宮中府十四曹

水官一宮中府十四曹

上真禪院高下尊卑功過儀典

上真衆聖朝禮施行功過儀典

上真大聖遊宴從駕功過儀典

上真總校生死圖簿功過

上真總領生死命籍算錄功過

上真總領生死功德輕重功過

上真總領鬼神功德報教轉輪功過

上真總領鬼神幽責開度功過

上真總領昇度死寬更生輕重功過

上真總領死寬受錄安靈功過

上真總領神仙得道年月品秩功過

上真總領萬魔誑歌之音功過

學上道不信經戒懷疑兩心之罪

學上道輕慢聖文詳論經典罪

學上道輕慢師主違師主盟誓罪

學上道毀謗師父不崇大義罪

學上道竊取經書無有師宗罪

學上道學無師而授弟子罪

學上道誘取經書而傳弟子罪

學上道受經不依經科年月傳授罪

學上道受經傳授非其人罪

學上道受法師門無開度之功罪

學上道無功而傳授弟子罪

學上道傳法宿奏不合而傳罪

學上道傳經不宿奏五帝罪